



Province of the
EASTERN CAPE
EDUCATION

Iphondo leMpuma Kapa: Isebe leMfundo
Provinsie van die Oos Kaap: Departement van Onderwys
Porafensie Ya Kapa Botjhabela: Lefapha la Thuto

NATIONAL SENIOR CERTIFICATE

KEREITI YA 12

LOETSE 2024

HISTORI P1 ATENTAMO

Atentamo ena e na le maqephe a 14.

POTSO YA 1: BERLIN WALL E TOBOKEDITSE JWANG TSITSIPANO YA COLD WAR PAKENG TSA DINAHA TSE KOPANENG (USA) LE SOVIET UNION?

MOHLODI WA 1A

Mohlodi ona o tsepamisitse maikutlo dipuisanong pakeng tsa Dinaha tse Kopaneng (USA) le Soviet Union pele ho ahwa lebota la Berlin ka 1961.

Ka la 10 November, 1958, Tonakgolo ya Soviet Nikita Khrushchev o ile a hatella hore United States le mahatammoho le yona di tlohele kapo (di tele) ditema tsa bona tsa mosebetsi Berlin. O ile a boela a bolela hore haeba ba ne ba sa saena tumellano ya sena nakong ya dikgwedi tse tsheletseng, Soviet Union e ne e ke ke ya hlola e hlompha tumellano ya bona ya ka mora ntwana mme e ne e tla kena selekaneng se arohaneng le East Germany. Moetapele wa U.S. Dwight D. Eisenhower o ile a hana diqobello tsa Khrushchev, a tsitlallela hore tumellano ya bona ya Berlin e ntse e tswela pele.

Ka la 27 Pundungwana Soviet Union e phatlaladitse hore e hanne ditumellano tsa ka mora ntwana mabapi le ho hapa le ho busa Germany le Berlin Bophirimela. Le hoja Khrushchev a sa ka a bontsha hore Soviet Union e tla sebedisa sesole haeba United States e sa dumellane le yena, ho ne ho tsebisahala hohle hore Soviet Union e ikemiseditse ho tshehetsa tshokelo ya yona.

United States le Britain di ile tsa hana ho dumellana le diqobello tsa Soviet, di pheha kgang ka hore Berlin e lokolohileng, e se nang phihlelo e tiisitsweng ya ho ya Bophirima, haufinyane e tla laolwa ke East Germany ya bokomonisi. Phupu 1961 Baofisiri ba Amerika ba ile ba hakanya hore baphaphathehi ba East Germany ba fetang 1 000 ba ne ba tshela Berlin Bophirima letsatsi le letsatsi, e leng phokotso ya moruo le palo ya batho eo, ha e sa hlokomelwe, e neng e tla bolela tlokotsi bakeng sa Botjhabela.

[Ho tswa <https://www.britannica.com/event/Berlin-crisis-of-1961>. E hlahlobillwe ka di 6 February 2024.]

MOHLODI WA 1B

Mohlodi o ka tlase o bua ka ho ahwa ha Berlin wall ka Phato 1961 le diphetho tsa teng.

Hoseng ka la 13 Phato 1961, baahi ba Berlin ba tsohile ba fumana hore Walter Ulbricht eo eleng Moetapele wa Germany o laetse hore, terata e hlabang e nyolohe ka bosiu bo le bong e le ho arola Berlin Bophirima le Botjhabela le ho thibela motsamano pakeng tsa mahlakore a mabedi. Kapelepele terata e hlabang e ile ya atoloswa ho kenyelletsa mabota a samente le ditora tsa balebedi. Berlin Wall e ne e tla thibela Bophirimela ho nna bo ba le tshusumetso e ka Botjhabela, ho emisa phallo ya bafalli ho tswa lekaleng la bokomonisi, empa qetellong e bile setshwantsho se ikgethang ka ho fetisisa sa Cold War, Europe. Ka potlako United States e ile ya nyatsa lebota leo, le neng le arola malapa le ho notla bolokolohi ba ho tsamaya.

Nakwana ka mora hore lebota le ahwe, standof (deadlock) pakeng tsa masole a US le Soviet Union ka mahlakoreng ka bobedi a sebaka seo ho hlahlojwang ho sona ho ile ha lebisa ho e nngwe ya dinako tse mahlonoko ka ho fetisisa tsa Cold War, Europe. Kgang e bile teng mabapi le hore na balebedi ba East Germany kapa ba Soviet ba fuwe tumello ya ho paterola dibaka tsa tlhahlobo le ho hlahloba ditokomane tsa maeto tsa badiplomate ba U.S. ba fetang moo, e ile ya lebisa United States ho beheng ditanka ka lehlakoreng la sebaka sa tlhahlobo, tse supang nqa mabotho a East Germany ka nqane ho lebota. Matshwenyeho a hore mabotho a US a ka leka ho theola lebota kapa a qobella ho feta sebakeng sa tlhahlobo a ile a etsa hore Soviet Union e behe ditanka tsa yona ka lehlakoreng la East Germany.

Ho falla ntle le tumello nakong ya ho shebana ho ka be ho ile ha lebisa ntweng, mme dikgohlano le ha e le dife tse tlwaelehileng pakeng tsa dinyutilie phawa tse pedi, kamehla di ne di tliša tshusumetso e kgolo ya ntwana. Bakeng seo, Kennedy o ile a sebedisa diteishene tse ka morao ho fana ka maikutlo a hore Khrushchev a tlose ditanka tsa hae, a tshepisa hore haeba Soviet Union e ne e entse jwalo, Sesole sa US se tla busetswa. Standof se ile sa fela ka kgotso.

[Ho tswa ho <https://history.state.gov/milestones/1953-1960/berlin-crises>. E hlahlobillwe ka di 6 February 2024.]

MOHLODI WA 1C

Mohlodi o ka tlase o ngotswe ke Richard Wald, eo eleng moqolotsi wa ditaba ya phatlalatswa ho *New York Herald Tribune* ka la 24 Phuptjane 1962. E totobatsa boiteko ba Bophirima le masoviet ho fokotseng tsitsipano e bakilweng ke Berlin Wall.

Dipuisano pakeng tsa dinaha tse nne tse matla hara balaodi ba sesole ba selehae Berlin ho fokotsa tsitsipano e bakilweng ke lebotha le arolang toropo, mohlomong di tla hlahiswa ke West bekeng e tlang. Mongodi wa Naha Dean Rusk, ka letsatsi le qakehileng le halofo ya dikopano le Chancellor, Konrad Adenauer le baeletsi ba hae ba ka sehloohong, ho bonahetse ho hlakile hore ba amohetse tumello ya Bonn bakeng sa tlhahiso ya kajeno.

E ne e tla kenyeletsa dikarabo tsa America, Britain le France lengolong la Soviet la June 7 moo Russia e ileng ya lemosa ka bohale bokotsi bo amanang le diketsahalo tsa ho thunya leboteng. Ka nako eo, Soviet Union e ne e etsa ditshoso tse ipatileng tse mabapi le ho se dule e le "moshebelli feela." Ho tse ding tsa diboka tsa kajeno e ne e le ramotse wa West Berlin, Willy Brandt. Diboka di tsamaile hantle haholo, mahlakore ka bobedi a ile a tlaleha.

Mmuwelli wa Amerika o tobokeditse hore mahlakore ka bobedi a dumellane hore ho ka fumanwa ditokisetso tse laolang phihlello ya West Berlin tse ka lokelang dinaha tsa Bophirima le tsa Masoviet. Seo se bolela hore Majeremane a Bophirima (West Germans) le Maamerika a dumela hore ho ka ba le tharollo e nngwe e phethahetseng bothateng ba Berlin-eseng hore ho ne ho na le e bonahalang-le hore Chancellor Adenauer o dumella dipuisano tse tswelang pele tsa Russia le Amerika.

Ditlaleho tse tswang Berlin di bontsha hore mapolesa a East Germany a ile a thunya le ho bolaya moahi wa Berlin a leka ho baleha haufi le e nngwe ya dikanale tsa toropo hoseng hona. Ena ke polao ya bo30 leboteng haesale le hlongwa ka Phato e fetileng.

[Ho tswa ho <https://link.gale.com/apps/doc/DVGPRN575773425/GDCS?u=webdemo&sid=GDCS&xid=c8820b70>. E hlahlobillwe ka di 18 February 2024.]

MOHLODI WA 1D

Setshwantsho se ka tlase se ka Paul Schutzer se hlaha ho *LIFE* magazine ya la 8 Loetse 1961, e bontshang moshanyana wa East German ya ileng a tswela ho thoba leboteng la Berlin.



[Ho tswa <https://www.life.com/history/berlin-wall-photos-early-days-cold-war-symbol/> E hlahlobillwe ka di 28 February 2024.]

POTSO YA 2: KE TSHUSUMETSO EFE EO NTWA YA CUITO CUANAFALE E BILENG LE YONA AFRIKA BORWA?

MOHLODI WA 2A

Mohlodi o ka tlase o bua ka ntwā ya Cuito Cuanavale e neng e lwanelwa Angola ka 1987–1988 Ntweng ya Lomba River.

Ntwā, ka nepo e bitwang ho thibella (siege), ya Cuito Cuanavale e ile ya lwanelwa lebopong la Noka ya Lomba sebakeng se haufi le Cuito Cuanavale, ka Borwa-botjhabela ho Angola, pakeng tsa UNITA (e thuswang ke SADF) le Sesole sa Angola (FAPLA) se thuswang ke Cuba, Soviet Union mme ha nyane ke East Germany. Maemo e ne e le a phahameng bakeng sa mahlakore ka bobedi mme ntwā e ne e kenyetsetsa tshebetso e kgolo ka ho fetisisa e tlwaelehileng ya mabotho a Afrika Borwa ho tloha Ntweng ya bobedi ya Lefatshe. Lebopong ho ile ha sehwa mela ya maikutlo. Sesosa sa ntwā se qadile ka Phupu 1987 ha mabotho a mmuso wa Angola (FAPLA) a leka ho fetela qhobosheaneng ya Jonas Savimbi UNITA e Mavinga, ntlhakemo ya leano la setsi sa hae sa Jamba haufi le Caprivi Strip. Qalong tlhaselo e ile ya tswelella ntle le tshitiso, ha FAPLA e ile ya ipha matla, ya baka dikotsi tse ngata ho UNITA, ya ba kgannela ka borwa ho ya Mavinga.

Di-brigeidi tse leshome le metso e mene tsa Angola le Cuba tlasa molaodi wa Russia di ile tsa qala tlhaselo e kgolo ho UNITA ka la 14 Phato 1987. Masole a SADF a ile a potlakisetwa ho ya tshehetsa UNITA. E ne e le molemong wa mmuso wa Afrika Borwa hore UNITA e se inehle ho baahi ba Cuba le FAPLA – ba neng ba na le maikutlo a hore e tla senya kgotso Namibia le hore Umkhonto we Sizwe (MK), lepheo la sesole la ANC le etse dimilitari beisi, ho theha dibeisi Angola, ho etsa metjha e kenang Afrika Borwa ho tloha Zambia, Botswana le Zimbabwe. Ka Mphalane, brigeidi ya bo47 ya FAPLA e neng e hatela pele ho Lomba River e ile ya timetswa tlhaselong ya SADF e neng e potlakela ho pholosa UNITA. Dihlopha tse ding tse mmalwa tsa FAPLA di ile tsa swahlamana (di ile tsa phatloha) ka lebaka la libomo tse matla empa tsa kgona ho kgutlela Cuito, e leng torotswana e haufi le moo dinōka tse pedi di etsang lebitso la yona, e sebakeng se hole sa South East Angola, sebaka seo Mapotoketsi a neng a se bitsa ka Naha e pheletsong ya Lefatshe.

[Ho tswa <https://www.sahistory.org.za/article/battle-cuito-cuanavale-1988>. E hlahlobillwe ka di 28 February 2024.]

MOHLODI WA 2B

Mohlodi o ka tlase o hlalosa ditlamorao tsa ntwā ya Cuito Cuanavale.

Leha ho le jwalo, boitlamo ba mabotho a Cuba bo ne bo fetotse tekatekano ya matla a puso Afrika e ka Bowa. Monyetla wa hore makgowa a mangata a tla bolawa ke mabotho a hlometseng a Cuba (ba direng), ditshenyehelo tsa ntwā le tshusumetso e bileng le yona moruong wa Afrika Borwa di ile tsa susumetsa Afrika Borwa ho tloha Cuito Cuanavale.,

Ka Mmesa 1988, kabinethe ya PW Botha e ile ya dumela ho qala dipuisano tse tobaneng le Angola le Cuba tlasa ketapele ya Chester Crocker (US eleng Motlatsi wa Mongodi wa Naha wa Merero ya Afrika) mediation. Ha Central Intelligence Agency (CIA) e phethela, menahano ya sesole e ne e le boima haholo qetong ya Pretoria ya ho buisana, e hlakisa hore kgetlo la pele Historing ya sekwalekwale, boetapele ba yona bo ne bo sa tshwenyehe (bo tshohile) ke tebello ya mohanyetsi ya hlometseng. (sera) se kgonang ho baka (ho baka) dikotsi tse tebileng ho mabotho a Afrika Borwa dintweng tse tlwaelehileng ... ho etsa hore Mopresidente PW Botha le baeletsi ba hae ba phahameng ba amohele ka lekgonono (kgotso) le mohopolo wa ho buisana ka boipuso ba Namibia e le phapanyetsano bakeng sa ho tloswa ha sesole sa Cuba'

Letoto la dipuisano butlebutle le ile la tlisa leano la kgokahano la Crocker haufi le nnete. Le ha ho ne ho tla nka dipuisano tse leshome le metso e mmedi, ka la 22 Tshitwe, ho ile ha saenwa ditumellano tse pedi Mokgatlong wa United Nations, e nngwe pakeng tsa Angola le Cuba e lokisetsang ho ikgula ha mabotho a Cuba, e nngwe hara Angola, Cuba le Afrika Borwa e dumellang boipuso ba Namibia. Ntwā ya nako e telele ya Crocker e ile ya fela; sepheo sa hae sa ho rekisa (ho buisana) tumellano ya kgotso se ile sa phethahala qetellong.

[Ho tswa ho *Journal of Southern African Studies*, volume 35, number 1: *Chester Crocker and the South African Border War, 1981–1989. A Reappraisal of Linkage* by Z Kagan-Guthrie]

MOHLODI WA 2C

Qotso e ka tlase e tswa sehopotso sa Ntwa ya Cuito ka Bahlabani ba Sesole ka la 25 Hlakubele 2022. E shebana le dipheo tsa ntwana ya Cuito Cuanavale.

Ntwana ena e bakile kgohlano e kgolo ka ho fetisisa ya sesole mobung wa Afrika ho tloha Ntweng ya Bobedi ya Lefatshe ... E ile ya tshwaya qalo ya ho fela ha puso ya makgowa a seng makae Afrika e ka Borwa, ho fediswa ha tsamaiso ya apartheid, le tokoloho e phethahetseng ya Afrika ho tswa taolong ya Europe.

Ntwana kgahlano le mabotho a kgethollo Angola ka 1988 e nkuwa e le nako e ileng ya ntshetsa pele tokoloho ya Namibia, Afrika Borwa le lebatowa la SADC. E ile ya lebisa ho tsamaiso ya sesole se matla sa Cuban, ka bophirima, ho ya moeding wa Namibia.

Ntwana e neng e le karolong e ka boraa-bophirimela ya Angola e ile ya lebisa ho ikguleng ha Afrika Borwa, ANC le Cuban Angola, le boipusong ba Namibia.

Ho ne ho se na kuno ya dintho tse bonahalang bakeng sa baahi ba Cuba ba ileng ba tla ho re tshehetsa, empa kgothatso ya bona e kgolo (le tshusumetso) e ne e le ho lwanela tokoloho ya Afrika e ka Borwa ho mabotho a bokoloniale le a arabelang (khonsevathivo). Ntwana ya Cuito Cuanavale e ne e le seo Oliver Tambo a neng a se bitsa, Waterloo (ho putlama) ha Afrika Borwa ya kgethollo ya morabe mme ntwana e ile ya bula menyako bakeng sa puso ya demokrasi Afrika Borwa.

Ho hlolwa ha makgaola-kgang ha lebotho la kgethollo ya morabe Cuito Cuanavale e bile tlhola ya Afrika yohle. Lefapha la Mabotho a sesole le tswela pele le hlompha le bile le hopola masole a weleng le a phelang a lwanetseng tokoloho. Ho holwa ha lebotho ka kgethollo ya marabe go etse batho ba Namibia bafumane tokoloho. Departemente ya Military Veterans itla kgopola ba bawileng le di hero tsa ntwana ya tokoloho.

[Ho tswa <https://www.dmv.gov.za/newsroom/advseries/2022/25032022htm> E hlahlobillwe ka di 28 February 2024.]

MOHLODI WA 2D

Setshwantsho se ka tlase se bontsha moifo wa anti- craft wa Cuba o keteka tlhola ya mabotho a Afrika Borwa nakong ya ntwana ya Cuito Cuanavale Angola, 1988.



[Ho tswa: <https://images.app.goo.gl/yHnWVQWevoB9Qu2x9>]

POTSO 3: MOHWANTO WA WASHINGTON O BILE LE SEABO SEFE HO FEDISENG DISKHRIMINEISHENE LE DESEGREGISHENE, AMERIKA KA BO 1960?

MOHLODI WA 3A

Mohlodi o ka tlase o hlalosa maemo ao Ma-Amerika a neng a phela tlasa ona ,abaketseng hore ho be teng mohwanto ka la 28 Phato 1963.

Ka 1963, senteniale (sehopotso sa bo-100) sa Phatlalatso ya Tokollo, boholo ba merero ya boipelaetso bona ba pejana bo ne bo ntse bo e-so bonahale. Maemo a phahameng a tlhokeho ya mesebetsi ya batho ba batsho, mosebetsi o neng o fa batho ba maAfrika-Amerika meputso e fokolang feela le ho se sebetse hantle mosebetsing, ho se sebetse hantle ha ma-Amerika a mangata a maAfrika, le ho phehella ha karolo ka morabe ka Borwa ho hlohlletsa dipuisano tse mabapi le mohwanto o phatlalletseng bakeng sa toka dipolotiking le moruong esale ka 1962.

Sebakeng sa Negro American Labor Council (NALC), Southern Christian Leadership Conference, Congress of Racial Equality (CORE), le Student Nonviolent Coordinating Committee (SNCC), Randolph o ngotse lengolo ka la 24 Motsheanong 1962 a ngolla Mongodi Stewart Udall wa Lefapha la Litaba tsa ka Hare mabapi le ditumello tsa mohwanto o isang pheletsong (o qetellang) Lincoln Memorial. Merero ya mohwanto e ile ya emiswa ha Udall a kgothalletsa dihlopha ho nahana ka Sylvan Theatre Sehopotsong sa Washington ka lebaka la mathata a ho kgutlisa sephethephethe le bongata ba bahahlaudi Sehopotsong sa Lincoln Memorial ...

Ka Motsheanong, sehlohlolong sa Letsholo la Birmingham, Morena Martin Luther o ile a ikopanya le Randolph, James Farmer wa CORE, le Charles McDew wa SNCC ho kopa ketso e jwalo ha morao selemong seo, ba phatlalatsa, "Ere batho ba bangata ba batsho ba sebetsang ka thata ba bue!" (King et al., 7 May 1963) Ka mora ho tsebisa Mopresidente Kennedy ka sepheo sa bona, baetapele ba mekgatlo e meholo ya ditokelo tsa botho ba ile ba beha letsatsi la leeto la 28 August. Dintlha tsa bohlokwa tse boletsweng tsa boipelaetso di ne di kenyelletsa "molaomotho o akaretsang wa ditokelo tsa botho" o neng o tla fedisa dibaka tse arohaneng tsa bodulo tsa setjhaba; "tshireletso ya tokelo ya ho kgetha; mekgwa ya ho batla tokiso ya ditokelo tsa molaomotho; "ho arolwa ha dikolo tsohle tsa setjhaba ka 1963"; lenaneo le leholo la mesebetsi ya mmuso "ho kwetlisa le ho hira basebetsi ba sa sebetseng"; le "Molao wa Federal Fair Employment Act o thibelang kgethollo mesebetsing yohle.

[Ho tswa: <https://kinginstitute.stanford.edu/march-washington-jobs-andfreedom#:~:text=High%20levels%20of%20black%20unemployment,and%20economic%20justice%20as%20early>. E hlahlobillwe ka di 28 February 2024.]

MOHLODI WA 3B

Mohlodi o ka tlase o hlalosa ho pepeswa ha mohwanto wa Washington ka la 28 Phato 1963.

Mohwanto wa Washington, e ne e le pontsho ya dipolotiki e neng e tshwaretswe Washington, D.C., ka Phato 28, 1963, e neng e kenetswe ke batho ba hakanyetswang ho 250 000 ho ipelaetsa ka kgethollo ya morabe le ho bontsha tshehetso ya molao o moholo wa ditokelo tsa botho o neng o emetse Congress. Mohwanto wa Washington o susumeditse ke tshebedisanomoho pakeng tsa 'Big Six' eleng mokgatlo wa ditokelo tsa botho: James Farmer, Martin Luther King, Jr., John Lewis, A. Philip Randolph, Roy Wilkins, le Whitney Young, baetapele bohle ba setjhaba ba dihlopha tsa ditokelo tsa botho. Mohanyetsi Bayard Rustin e ne e le mohlophisi ya ka sehloohong. Ketsahalo ena e ile ya kopanya makgolo a dikete a batho ba neng ba kgobokane ka kgotso National Mall, moriting wa Lincoln Memorial, ho tla batla toka e lekanang bakeng sa baahi bohle ba tlasa molao.

Ketsahalo ena e ne e kenyelletsa mmimo ka Marian Anderson, Mahalia Jackson, Joan Baez, le Bob Dylan, mme e ne e fana ka ditlhaloso tsa dibui tse ngata, karolo e nngwe ya lenaneo la molao le tse ding, ho kenyelletsa le Lewis, Wilkins, Young, Daisy Bates, Walter Reuther, le Josephine Baker, hara ba bang. Tlotla e isitswe ho Bates, Rosa Parks, Myrlie Evers, Diane Nash, le basadi ba bang ba batsho ba nkileng karolo mokgatlong wa ditokelo tsa botho.

Martin Luther King e ne e le sebui sa ho qetela sa semolao sa letsatsi. Letshwele le bile morolo la ba la angwa ke matla le boporofeta bo kgabane ba puo ya hae, e ileng ya tsebisahala ka hore ke 'Ke na le Toro' 'I Have a Dream'. King o ile a hatella tumelo ya hae ya hore, jwalo ka ha a boletse, "ka letsatsi le leng setjhaba sena se tla tsoha mme se phethe seo se hlileng se bolelwang ke tumelo ya sona. Re nka dinnete tsena e le tse iponahatsang, hore batho bohle ba bopilwe ba lekana. O ile a boela a bolela hore o na le tshepo ya hore bana ba hae ba tla phela setjhabeng seo ho sona "ba ke keng ba ahlolwa ho ya ka lebala la bona empa ho ya ka botho ba bona."

[Ho tswa <https://www.britannica.com/event/March-on-Washington>. E hlahlobillwe ka di 28 February 2024.]

MOHLODI WA 3C

Mohlodi o ka tlase o fupere dintlha tsa bohlokwa puisanong e entsweng ke Michael A. Fletcher bathong ba nkileng karolo mohwantong wa Washington ka Selema sa 1963. Puisano e entswe ka nako ya sehopotso sa 60th sa Mohwanto.

Holmes Norton: Mehwantong e batla ditlamorao, empa hangata ha di bone ditlamorao hang hang. Le hoja mehwantong ena e ne e se sesosa sa molao, ho thata ho dumela hore Molao wa Ditokelo Tsa Botho wa 1964 o ka be o etsahetse ntle le ona. e thusitse tsamaiso ya Kennedy ho tloha dipelaelong le ho hanyetsa mohantong. Hopola hore Mopresidente Kennedy o ne a sa itshetleha ka dikgetho tsa Southern feela, empa Southern e ne e le modulasetulo wa hoo e ka bang dikomiti tsohle tsa Ntlo le Senate. Motho ka mong o tlameha ho utlwisisa na Congress e ne e le jwang pele ho mehwantong ya setjhaba. Ena e ne e le setjhaba seo ho sona ho neng ho se na molao wa federal o reng mang kapa mang ya ka etsang mosebetsi o na le tokelo ya ho etsa mosebetsi oo.

Cox : Ebile motsotso oo Amerika e ileng ya arajwa potso eo esale e e botsa ho tloha ka selema sa 1955 kapa sa 1954 ho *Brown v. Board [of Education]*. Ma Negro aa a batla eng? Ke nahana hore puo ya King e arabile potso eo ka ho re 'Ke na le toro e metse ka metso torong ya Amerika.' King o itse seo re batlang ho se etsa ke ho phethahatsa tshepiso ya Phatlalatso ya Boipuso le Molao wa Motheo.

[Ho tswa <https://www.smithsonianmag.com/history/oral-history-march-washington-180953863/>. E hlahlobillwe ka di 06 March 2024.]

MOHLODI WA 3D

Setshwantsho se ka tlase se bontsha Martin Luther King Jr a bua le letshwele mohwantong wa Washington ka Phato 1963.



[Ho tswa <https://www.life.com/history/the-march-on-washington-power-to-the-people/> E hlahlobillwe ka di 28 February 2024.]

DITEBOHO DI LE BISWE HO:

Mehlodi ya ditshwantsho le bopaki bo bong ba histori bo tswa ho tse latelang:

<https://www.britannica.com/event/Berlin-crisis-of-1961>

<https://history.state.gov/milestones/1953-1960/berlin-crises>

<https://link.gale.com/apps/doc/DVGPRN575773425/GDCS?u=webdemo&sid=GDCS&xid=c8820b70>

<https://www.life.com/history/berlin-wall-photos-early-days-cold-war-symbol/>

<https://www.sahistory.org.za/article/battle-cuito-cuanavale-1988>

<https://www.twn.my/title2/resurgence/2013/278/cover03.htm>

<http://www.dmv.gov.za/newsroom/advisories/2022/25032022.htm#:~:text=It%20led%20to%20the%20movement,to%20the%20Independence%20of%20Namibia>

<https://images.app.goo.gl/yHnWVQWevoB9Qu2x9>

<https://kinginstitute.stanford.edu/march-washington-jobs-andfreedom#:~:text=High%20levels%20of%20black%20unemployment,and%20economic%20justice%20as%2early>

<https://www.britannica.com/event/March-on-Washington>

<https://kinginstitute.stanford.edu>march.washington-jo>

<https://www.life.com/history/the-march-on-washington-power-to-the-people>